

漢
魏
叢
書

穆天子傳序

穆天子傳出汲冢晉荀勗校定為六
卷有序言其事雖不典其文甚古頗
可觀覽予攷書序稱穆王饗國百年
耄荒太史公記穆王賓西王母事與
諸傳說所載多合則此書蓋備記一

時之詳不可厚誣也春秋之時諸侯各有國史多龐雜之言下逮戰國王迹熄而聖言湮處士橫議而異端起人人家自為說求其歆不龐雜其可得乎其書紀王與七萃之士巡行天下然則徒衛簡而徵求寡矣非有如

秦漢之千騎萬乘空國而出也王之
自數其過及七萃之規未聞以為迂
也登羣玉山命邢侯攻玉而不受其
牢是先王恤民之法未嘗不行至遇
雨雪士皆使休獨王之八駿超騰以
先待輒旬日然後復發去是非督令

致期也其承成康熙洽之餘百姓晏
然雖以徐偃王之力行仁義不足以
為倡而搖天下以知非有暴行虐政
而君子猶以王為獲沒於祗宮為深
幸足以見人心之危之如此也是豈
可效哉是豈可效哉存其書者固可

以覽其古徵其事者又安可不攷其
是非歟南臺都事海岱劉貞庭幹舊
藏是書懼其無傳暇日稍加讎校訛
舛命金陵學官重刊與博雅之士共
之諗予題其篇端云時至正十年歲
在庚寅春二月二十七日壬子北岳

王漸玄翰序

穆天子傳序

序古文穆天子傳者太康二年汲縣民不准盜葬古塚所得書也皆竹簡素絲編以臣勗前所考定古尺度其簡長二尺四寸以墨書一簡四十字汲者戰國時魏地也案所得紀年蓋

魏惠成王子令王之塚也於世本蓋
襄王也案史記六國年表自令王二
十一年至秦始皇三十四年燔書之
歲八十六年及至太康二年初得此
書凡五百七十九年其書言周穆王
遊行之事春秋左氏傳曰穆王欲肆

其心周行於天下將皆使有車轍馬
迹焉此書所載則其事也王好巡守
得盜驪騶耳之乘造父為御以觀四
荒北絕流沙西登昆侖見西王母與
太史公記同汲郡收書不謹多毀落
殘缺雖其言不典皆是古書頗可觀

覽謹以二尺黃紙寫上請事平以本
簡書及所新寫並付祕書繕寫藏之
中經副在三閣謹序

穆天子傳卷之一

晉 河東郭璞註

明 新安程榮校

古文

飲天子蠲

音消

山之上戊寅天子北征乃絕漳水

絕猶截也

漳水今在鄴縣

庚辰至于

觴天子于盤石之上

觴者所以進酒因云

觴

天子乃奏廣樂

史記云趙簡子疾不知人七日而寤曰我之帝所甚樂與百神遊于

鈞天廣樂九奏萬舞不類三代之樂其聲動心廣樂義見此

載立不舍

言在車上立不下也

至于鉞山之下

卽鉞山今在常山石邑縣鉞音邢

癸未雨雪天子獵

于鉞山之西阿

阿山陂也

於是得絕鉞山之隊

隊謂谷中險阻道也

音北循虓沱之陽

虓沱河今在鴈門鹵城縣陽水北施音素駝之駝

乙酉天

子北升于□天子北征于犬戎

國語曰穆王將征犬戎祭公謀父諫不從

遂征之得四白狼四白鹿以歸自是荒服不至紀年又曰取其五王以東

犬戎□胡觴天

子于當水之陽天子乃樂□賜七萃之士戰

萃集也聚也亦

猶傳有輿大夫皆聚集有智力者爲王之爪牙也

庚寅北風雨雪

詩曰北風其涼雨雪

其天子以寒之故命王屬休

令王之徒屬休息也

甲午天子西

征乃絕踰之關隘

陞阪也疑北謂北陵西踰西已亥踰鴈門山也音俞

已亥至

于焉居禺知之平

疑皆國名

辛丑天子西征至于鄴人

鄴國

名音巨肯切

河宗之子孫酈栢絮

伯爵絮名古伯字多以木

且逆天子

于智之口先豹皮十良馬二六

古者爲禮皆有以先之傳曰先進乘韋

天子使井利受之

井利穆王之嬖臣

癸酉天子舍于漆潒

宿

爲舍

乃西釣于河以觀口智之口甲辰天子獵于滲澤

於是得白狐玄貉焉以祭於河宗

以將有事于河奇此獲故用之漢武

帝郊祀得一角白鹿以爲祥瑞亦將燎祭之類

丙午天子飲于河水之阿

阿水

也

天子屬六師之人于酈邦之南滲澤之上

屬猶會也

戊

寅天子西征鷺行至于陽紆之山

鷺猶馳也紆音驅

河伯無

夷之所都居

無夷馮夷也山海經云水夷

是惟河宗氏

河四瀆之宗主河者

目以河宗伯天逆天子燕然之山伯天字也勞用東帛加

璧勞郊勞也五兩爲一東兩今之二丈先白口天子使鄒父受之鄒父公

謀父作祈招之詩者癸丑天子大朝于燕口之山河水之阿蓋朝

會郡官告乃命井利梁固梁門大夫聿將六師聿猶也天子

命吉日戊午詩曰吉日庚午天子大服冕褱冕冠褱衣蓋王后之上服今帝

服之所未詳褱音暉帔帶帔褱也天子赤帔音弗摠摠長三尺杼上推

大圭摠猶帶夾佩左右佩奉璧南面立于寒下寒下未詳曾

祝佐之魯重也傳曰魯臣偃官人陳牲全五口具牛羊之品曰生體完曰全

牲或曰全色純也天子授河宗璧河宗伯天受璧西

傳曰牲全肥臚

向沉璧于河

河位載崑崙

再拜稽首

稽首首至地也

祝沉牛馬豕

率河宗口命于皇天子

加皇者尊上之

河伯號之

呼穆王

帝曰

穆滿

以名應謙也言謚蓋後記事者之辭

女當求致用昔事

語穆王當長幹理世

事也哉

南向再拜

穆王拜

河宗又號之帝曰穆滿示女春

山之瑤

山海經春字作鍾音同耳言此山多珍寶奇怪

詔女崑崙口舍四平

泉七十

疑皆說崑崙山上事物

乃至於崑崙之丘以觀春山之

瑤

皆河伯與穆王詞語

賜語晦

月終為晦言賜賜女受終福

天子受命南向

再拜

受河伯命

已未天子大朝于黃之山

將禮河而去

乃披圖

視典用觀天子之瑤器

省河所視禮圖

曰天子之瑤

曰河圖辭也

王果

石似美玉所謂大果者也

璿珠

璿王類也音旋

燭銀

銀有精光如燭

黃金之

膏

金膏亦猶王膏皆其精洵也

天子之璫萬金口璫百金士之璫

五十金鹿人之璫十金

自萬金以下宜次言諸侯之璫千金大夫之璫百金此書

殘缺集錄者不續以見闕文耳

天子之弓射人步劍牛馬犀口噐千

金

步劍疑步光之劍也犀似水牛庫脚脚爲三角黑色

天子之馬走千里勝人

猛獸

言无勢傑駭也

天子之狗走百里執虎豹

言勦力壯猛也

伯天

曰征鳥使翼曰口鳥鳶

音緣鵠也

鵠雞飛八百里

即鵠雞鵠屬也

名獸使足口走千里後猓口野馬走五百里

後猓獅子亦食

虎豹野馬亦如馬而小後音後猓音猓

叩叩距虛走百里

亦馬屬尸子曰距虛不擇